

DJSK PARTISIPA ENONTRU ALTU NIVEL

DILI - Sexta Feira (horseik) 29 Marsu 2019, Direktoira Geral Serbisu Korporativu Ministeriu Interior Sra. Guilhermina F. S. Ribeiro, hala'o Reuniaun Ordinária ho Presidente Konsellu Administrasaun Fundu Infraestrutura(CAFI - sigla Portuges),ne'ebé diriji husi S.E. Dr. Agio Pereira, hanesan em representasaun Primeiru Ministru ninian. nomós Membru Governu balun ne'ebé kompoen ba membrus CAFI iha nivél altu ninian. Objetivu husi enkontru ne'e, atu halo



justifikasaun ba enkontru preliminaru, ne'ebé antes ne'e hala'o ona ho membru tekniku CAFI ninian. Durante enkontru nivel altu refere, Dirijente Serbisu Korporativu mós apresenta programa seguransa ninian katak "Parte husi ita nia Ministeriu Interior inklui PNTL, ita iha programa seguransa ninian ne'ebé laos ona projetu foun maibé projetu tinan hirak liu ba, hanesan Bairro ka Kazerna PNTL Ermera, PNTL Aileiu, PNTL Same no PNTL Liquiça. Nune'e ita nia prezensa ida ohin, atu reforsa no justifika ba proposta orsamentu balun ne'ebé ita preve ona, hodi bele hetan aprovasaun husi CAFI, felismente ita hetan duni aprovasaun ba proposta orsamentu alokasaun ba Ermera ninian ba asuntu Be'e no Ahi Eletridade". Parte seluk, Ajente Estadu ne'e salienta liu tan katak fatin Kazerna ba PNTL prontu ona maibé seidak bele utiliza. Ho razaun katak bee no ahi elektridade balun ladauk iha, entaun ida ne'e sai mós prekupasaun. durante iha enkontru, halo mos apresenta ba kestaun refere haktuir Guilhermina. Entertantu iha reuniaun nivel altu refere Direktoira Geral propoin no husu ba CAFI, atu tau dormitoriu, kama, kulsaun, armeriu ba kezerna hirak ne'ebé preparadu ona. Nune'e bainhira ajente ka ofisiais ruma ne'ebé sei utiliza fatin kazerna refere, la presiza lori sasan sira hanesan mak temi iha leten. maibé prefere lori deit vestuariu ba aktividade serbisu ninian. Antes termina enkontru Sra. Guilhermina relata pontus esensial tolu hodi sai hanesan sujestaun ba membrus governu ne'ebé mak hola parte husi Membru CAFI ninian, katak Wainhira konstrusaun ba Estrada, Portu no Aero Portu, husu instala ou kanaliza bee, tenki besik fatin hirak ne'ebé sita dadaun, objetivu atu aseguza dezastre sira hanesan insendiu ruma nomos asidente. Nune'e fasil atu fasilita atividade korpu bombeiru sira ne'ebé destakadu iha futuru. Ho nune'e, atu fo hanoin fila fali Konsellu Administrasaun Fundu Infraestrutura(CAFI) nia kna'ar mak atu tau matan ba Grandes Projetus ne'ebé normalmente ho millaun ida (1) ba leten. Enkontru ne'e, participa husi Membru CAFI hanesan Ministru Obras Públicas, Ministra Finanzas em Ezersisiu, Ministru Transporte e Telekomunikasaun nomós direktor sira iha nivel ministeriais no enkontru ne'e rasik, realiza iha Salaun Ministriu Finanzas Ai Tarak Laran.